

ԹՂԹԱԿՈՒԹԻՒՆՆԵՐ ԱՐՏԱՍԱՅՄԱՆԻՑ

ԱՆԳՂԻԱՅԻ ԺՈՂՈՎՐԴԱԿԱՆ ՈՒՍՈՒՄՆԱՐԱՆՆԵՐԸ

Լօնդօն, 24 փետրւարի

Անգլիայում վերջերքումս մեծ ջանքեր եղան ժողովրդական ուսումնարանները ձրի դարձնելու. բայց այժմ այդ խնդիրը վերջնականապէս հնուացւեց օրակարգից:

Այդ առիթով հարկ ենք համարում Անգլիայի ներկայիս դպրոցական հանգամանքների վերաջ մի ակնարկ գցել:

Իսկական ժողովրդական ուսումնարանները նոքա են, որ կոչւում են board schools. Անգլիայում այն ժողովները, որոնք հաւաքւում են դպրոցական գործերի համար, կոչւում են school board (չուլ բօարդ—դպրոցական ժողովներ կամ խորհուրդներ), իսկ սոցանից հիմնւած դպրոցները կոչւում են board schols (բօարդ չուլս—ժողովների կամ խորհուրդների դպրոցներ):

Անգլիայում ընդհանուր պարտադիր ուսումը մտցրւած է 20 տարի առաջ: Եւ այդ միայն 1870 թւականիցն է, որ ղանազան քաղաքներում և գիւղական համայնքներում կեանքի կոչւեցին այդ չուլ-բօարդները, աւսինքն դպրոցական ժողովները, այն էլ՝ հիմնւած ընդհանուր ընտրողական սկզբունքի վերաջ: Ընտրողական ձայն վայելում են այն ամենը, որոնք քաղաքային տուրք են վճարում, մի և նոյնն է թէ ուր սեռին են նոքա պատկանում, ուրեմն թէ տղամարդիկ և թէ կանաւք: Կանաւք ոչ միայն իրաւունք ունին ընտրելու, այլ և ընտրւելու. և այլ բողէին այդ ժողովների կարեւորագոյն անգամներից մի քանիսը կանաւք են և մինչև անգամ աղջիկներ: Այդ ժողովների կամ խորհուրդների ձեռքումն է ժողովրդական ուսումնարանների board-schools վարչութիւնը, որը սակայն գործերը վարում է համապատասխան պարլամենտից ընդունւած որոշումների՝ վերաբերեալ դաստանդման առարկաներին, դասաժամերին և այլն: Բացի դորանից նոքա ենթարկւած են կառավարութեան կամ «կրթական խորհուրդի» (Council of Education) վերահսկողութեան, որից նշանակւում են վերահսկող տեսուչներ: Սոքա ներկայ են լինում քննութիւններին և նոցա զեկուցման

համաձայն տէրութիւնը այս կամ այն դպրոցին միանալով օժանդակութիւն է տալիս: Պարտադիր առարկաներն են միայն՝ կարդալ, գրել և հաշուել, և դորա համար տէրութիւնը վճարում է ամեն մի աշակերտի համար տարեկան 4 շիլլինգ և 6 պենս (1 ր. 50 կոպէկ ոսկի): Բայց երբ տեսուչը մի ուսումնարանի համար «գերազանց» վկայութիւն է տալիս, այդ ուսումնարանը ստանում է տէրութիւնից ևս 3 շիլլինգ (1 ր.) ամեն մի աշակերտի համար, իւր վկայութիւնը է լինում «լաւ» — ուսումնարանը ստանում է 2 շիլլինգ, և երբ լինում է «բաւականին լաւ» — ուսումնարանը ստանում է 1 շիլլինգ (33 կոպ. ոսկի) ամեն մի աշակերտի համար:

Բացի գորանից տրւում են առանձին օժանդակութիւններ առանձին առարկաների համար, 1 կամ 2 շիլլինգ աշակերտի վերալ՝ անգլիերէնում, աշխարհագրութեան, պատմութեան, գծագրութեան և աղջիկների դպրոցներում նաև ձեռագործի մէջ ցոյց տաւ լաւաշաղիմութիւնների համար: Իսկ երբ դպրոցում ուսուցանւում են նաև մաթեմատիքա, ֆիզիքա, քիմիա, բուսաբանութիւն, լատիներէն, ֆրանսերէն և աղջիկների դպրոցներում նաև խոհարարութիւն, — այն ժամանակ այդպիսի ուսումնարանը ամեն մի աշակերտի համար, որը այդ առարկաներից առանձին քննութիւն է բռնում, ստանում է տէրութիւնից ամեն մի առարկայից 4 շիլլինգ:

Որպէս կարելի է տեսնել, տէրութիւնը թողնում է ուսումնարանների վարչութիւններին բաւականին մեծ ազատութիւն: Այդ գլխաւորապէս նորանից է, որ ինքը գործը դեռ նոր է, որովհետև մինչև 20 տարի առաջ ժողովրդական ուսումնարաններում իշխում էր մի այնպիսի քաօս, որից դժուար էր գուրս գալ: Դորա վերալ պէտք է աւելացնել նաև տեղական հանգամանքները. և որոշ սահմանների մէջ դպրոցական գործի ծաւալումը ծնողների և համայնքների ձեռքումն է, համապատասխան անգլիական բնակարութեան՝ իւր հակումով դէպի ինքնավարութիւնը և հակակրութիւնը դէպի կառավարութեան ամենակարողութիւնը: Տէրութիւնը օգնում է, նպաստում է, վարձատրում է, բայց ժողովրդից ընտրւած դպրոցական ժողովները կազմում են վարչութեան գլխաւոր ֆակտորը, որպէս նաև քաղաքային հարկեր վճարողները, որոնք ընտրում են այդ ժողովները, և գլխաւոր ծախքերն են քաշում: Դոքա, այդ հարկ վճարողները, պարտաւոր են «դպրոցական հարկ» վճարելու (school rate), որը զանազան տեղերում զանազան է, միջին հաշուով բնակարանի վարձի 3—4 տոկոսը ¹⁾: Բայց այդ հարկից գոյացած զոււմարները գործադրւում են միմիայն ժողովրդական ուսումնարանների վերալ. բոլոր աւելի բարձր ուսումնարան-

¹⁾ Անգլիայում հարկաւորութեան չափը որոշում են բնակարանի վարձով. ով իւր բնակարանին աւելի է տարելան 100 ր., այս դէպքում պէտք է տալ դպրոցական հարկ 3 կամ 4 րուբլի, ով 500 րուբլիանոց բնակարան ունի, նա վճարում է 15—20 րուբլի և այլն:

ները պահպանուում են աշակերտական թոշակներով, սեպական եկամուտներով, Բացի այդ «դպրոցական հարկից» և տէրութեան օժանդակութիւնից, դժբաղդաբար նորերումս աւելացաւ նաև մի առանձին թոշակ: Պարլամենտը դպրոցական ժողովներին (շուլ-բօարդ) տւել է իրաւունք՝ իւրաքանչիւր աշակերտից պահանջել շաբաթական մինչ 9 պենս (մօտ 24 կ. ոսկի): Բայց 24 կոպէկ շաբաթական՝ այդ նոյն իսկ Անգլիայում մեծ փող է, մանաւանդ բազմազաւակ ընտանիքների համար: Իսկ է, որ իրապէս ոչ մի տեղ այդքան չեն պահանջում, այլ պահանջում են ընդհանրապէս միայն 1 պեննի, աւելի հարուստ տեղերում միայն դորանից աւելի: Եւ այդ փողերը հաւաքում են ուսուցիչները աշակերտներից ամեն երկուշաբթի առաւօտ:

Այդ կարգ ու կանոնները, որպէս տեսնում էք, կարելի է լաւացնել. մանաւանդ այդ աշակերտական թոշակը մեծ դպրութ լարուցնց և ամեն կողմից սկսեցին պահանջել այդ թոշակների վերացումը: Այդ պահանջում էին ոչ միայն ազատամիտները, այլ նոյն իսկ լօրդ Սօլսբրի իւր՝ մի քանի ամիս առաջ Նօտինգհամում արտասանած ճառում:

Բայց ահա ծագում է դժարութիւն մի ուրիշ տեսակ ժողովրդական դպրոցների կողմից: Բանն այն է, որ կան նաև՝ այսպէս կոչւած՝ «կամաւոր դպրոցներ» (voluntary schools), որոնց ղեկավարում է հոգևորականութիւնը, մանաւանդ կաթօլիկ կղերը և բողոքական զանազան աղանդները: Իսկ այդ դպրոցները պահպանում են աշակերտական թոշակներով: Այդ դպրոցները մասամբ գոյութիւն ունէին board schools դպրոցներից առաջ և սոցա մէջ չը ձուլւեցին, որովհետև այդ վերջիններում առհասարակ ոչ մի կրօն չի դաս տրւում, ուր մնաց թէ կրօնի դասաւանդութիւնը մի որ և իցէ դաւանութեան տեսակէտից կատարէր: Կրօնի գասատութիւնը, ժողովրդական դպրոցները հիմնելու ժամանակ, տէրութեան գործը չէ, այլ եկեղեցու գործը և իսկապէս այդ կատարում է հոգևորականութիւնից կիրականօրեալ դպրոցներում: Բայց դորանով չէին ուզում բաւականանալ այդ «կամաւոր դպրոցները», այնպէս որ սոքա շարունակեցին իրանց գոյութիւնը՝ «բօարդ-շուլ» դպրոցների կողքին: Բայց երբ վերջիններս սկսեցին պահանջել, որ թոշակները վերացնեն և տէրութիւնից օժանդակութիւն պահանջեցին, — հոգևորականների դպրոցներն էլ սկսեցին պահանջել նոյն օգնութիւնը տէրութիւնից: — Կաւ, այդ ձեզ կը տրւի, ասացին ազատամիտները. բայց ում տէրութիւնը օժանդակութիւն է տալիս, նորա վերայ էլ տարածում է իւր հսկողութիւնը: Իսկ այդ բանից նոքա լսել անգամ չէին ուզում: Այն ոգևորւածները, որոնք այդ «կամաւոր դպրոցներին» մեծամեծ դուժարներ են տալիս, լստ կը կանդենն և առհասարակ այդ դպրոցները կը խորտակւեն: Ուրեմն կը մնայ որ տէրութիւնը ինքը իւր ձեռք առնի այդ դպրոցների պահպանումը: Արդ, ժողովրդական դպրոցներում եթէ թոշակները վերացնեն, տէրութիւնը, որպէս հաշուում են,

պէտք է տալ տարեկան 2 միլլիօն ֆունտ ստերլինգ (մօտ 20 միլլիօն ռսկի ռուբլի)։ Իսկ եթէ կամաւոր դպրոցներին էլ հաշիւ վերցնի տէրութիւնը, վերջինս պէտք է միանգամից վեր դնի 30—40 միլլիօն ֆունտ ստերլինգ (300—400 միլլիօն ռսկի ռուբլի)։ Իսկ դորանից զարհուրում են պահպանողականները, որոնց կուսակիցն է Սօլսբրի'ի մինիստրութիւնը։ Աղատամիտները դորանից խնդիր են չինոււմ, թէ պահպանողականները առհասարակ չեն ուզում ուսման ձրիութիւնը։ Դորանով մեկնւում են ալն տաք վիճաբանութիւնները, որ նորերումս տեղի ունեցան անգլիական պարլամենտում, որոնց ելքը ալն եղաւ, որ խնդիրը անորոշ ժամանակով լետաձգւեց։

ԹՂԹԱԿՑՈՒԹԻՒՆ ԿԱՐԻՆԻՑ

ԴՊՐՈՑԱԿԱՆ ԳՈՐԾԵՐ

Կարէն, 17 փետրւարի 1890 Թ.

Քաղաքիս մէջ Ազգային իշխանութեան ներքե կը գտնւին չորս վարժարան. Մարեան, Տ. Ազարեան երկսեռ ծաղկոցներու լատկացւած, Թարգմանչաց վարժարան իգական սեռի համար և Մալր դպրոցը՝ եկեղեցւոյ կից, որ 500 աշակերտ կը պարունակէ 11 դասակարգի (?) բաժանւած։

Սոչն վարժարանի տեսչութիւնը 1889 թ. սեպտեմբերի մէկին Պ. Գ. Զիլինկէրեանի լանձնւեցաւ, որ վեց-եօթը տարի առաջ բոլորովին անուս Տփլիսի դիմեց, մի քանի տարի հոն ուսաւ և վերադառնալով Տաճկաստան՝ Ալաշկերտի Միացեալ ընկերութեանց վարժարանները դասատու եղաւ, ալնուհետև ի Պալազիտ տէրութեան գանձապետ ըլլալէ վերջ՝ Կարին վերադարձաւ, որովհետև 1889 թ-ի նորակազմ ուսումնական հոգաբարձութիւնը անոր շնորհեց տեսչութիւնը, հրաժարեցնելով նախկին տեսուչ Նզիշէ էֆէ՝ Տուրսունեան։

Բայց ոչք են դասատուներն Մալր վարժարանին։

Ահաւասիկ ամենէն կարևոր և կենսական խնդիր մը մեր հալ տաճեաց, մեր ուսանողաց համար։

Կաւկասեան հալք, որ կրթական խնդրոց մէջ մեզմէ խիստ եռանդուն են, որ և մեզմէ աւելի լուսամիտ են, չը պիտի դարմանան երբ իրանց լրագրաց էջերուն մէջ կարդան թէ՝ Կարնոյ ազգային վարժարանաց դասատուներուն մեծամասնութիւնը կը բաղկանալ 15 կամ 19 տարեկան թերուս պատանիներէ, որք 50, 60 և 70 դրուշ (ալսինքն հինգ կամ վեց ռուբլի) ամսականաւ կը դասախօսեն։